

AMERICA.

18

*America nomi-
na & unde de-
ducta.*

*Colum. Sacerdotis est
ut liquet apud Ind. Col. rem
in annotat. ad Tab. p. 93.*

Sine.

Solifertilitas.

QUARTAM hanc Orbis Terrarū partem Veteribus incognitam Christophorus Columbus cum re-
perisset, *Indiam*; alii ob vastitatem *Novū Orbem* dixere: est enim ingens & nostro Orbi, hoc est Eu-
ropæ, Africæ, Asiæ, simul cōiunctis ferè par: uti vel ex ipso Tabulæ nostræ universalis conspectu li-
quet. Dicitur & *America* ab Americo Vesputio Florentino qui primus post Columbū Continen-
tis partem ultra Equatorem ab Ortu detexit, in quā sunt *Paria* & *Brasilia* regiones. Quando autem America
primum coli cœpta sit, incertum est: certè multis sæculis ignota latuit: nam quod de Romanis quidam suspicā-
tur, facilius dicitur quàm demonstratur, & commentum illud accuratè refutatum est à Gasparo Varrerio. Se-
necam enthysiasmo poëtico raptum aliquid de hac in Medea cecinisse nonnulli opinantur: sed furor est opina-
ri vel illi, vel ulli eo sæculo has partes fuisse cognitās. Primus post multa, & adhuc ignota nobis annorum sæ-
cula Christoph. Col. Genu. auspiciis Regis Castellæ rem tantam feliciter invenit, edoctus (ut creditur à nonnul-
lis tam clari facinoris gloriam arrodentibus) ab Hispano quodam Nauta, diu Mari Atlantico jactato: factum
id anno crio cccc xcii. Post eum tentavit idem Americus Vesputius auspiciis Regis Portugalliæ; factique præ-
mium retulit, quod totus ille tractus ab ipsius nomine Americæ, ut diximus, appellationem habeat. Porro
universus hīc Orbis à Septentrione ad Meridiem exporrectus est duarum magnarum Peninsularum formā,
quæ tenui Isthmo connectuntur: earum altera dicitur America Septentrionalis, altera Meridionalis. Longitu-
do ejus extensa est inter Meridianum gr. 190. & Meri. gr. 67. Latitudinis terminus Austrum versūs est fretum
Magellanicum, id est, gr. Lii. Septentrionem autem versūs, à gr. Lxvi i fursum plerāque adhuc sunt ignota,
Habet igitur ab Ortu Solis Mare Atlanticum, quod vulgò vocant *Del Nort*; à Meridie, Terram Australem
Magellanicam, freto interfluente disjunctam. Ab Occasu, Mare Pacificum, *Del Zur*: à Septentrione, in-
certum Terras au Maria. Tota circumnavigatio est circiter xxxii millium milliariū, ut tradunt probati-
ores. Est enim tota circumnavigata, præter eum tractum qui Septentrionem respicit, cujus littora nondū per-
lustrata sunt. Regio in universum multiplex est ac varia: Frumento initio & vino caruit: ejus loco tulit *Mayz*.
leguminis genus, lic enim vocant, ut Vinum *Chichia*: lintres *Canoas*: regulos *Cacicos* nominant. Ad sementes
faciendas terram non arant; sed modicæ altitudinis scrobibus effossis, tria quatuorve grana in unam demit-
tunt terrāq; operiunt. Singuli culmi tribus quatuorve paniculis onusti adolescunt, quarum singulæ grana cen-
tum & amplius fundunt. Maizii scapus hominis altitudinem exsuperat, ac quibusdam in provinciis bis in an-
no colligitur. Aliud etiam genus panis habent vulgò *Cazabi* dictū. Id ex Iucca conficitur: radix est napi crassi-
tudine, quæ nullum ex se semen fundit, sed cannas tantum quasdam nodosas & solidas, viridibus foliis, ut can-
nabis. Eas cannas, ubi maturitas adest, in taleas duos palmos longas exsecant, quas in tumulos quosdam (*Conu-
chos* appellant) digestas, terrā obruunt: quoties verò id genus panis conficere volunt, earum radicum quan-
tū visum est eruunt, paucas tamē unaquāq; vulsione, quia brevi corrumpuntur. Duo præterea radicum genera
sunt, alteras *Battatas*, alteras *Haias* vocant, specie propè similes, nisi quod *Haiæ* minores & sapidiore sunt.
Plantantur